

2011-mi innuttaasut ilinniagaqarsimanerisa isikkuat


Ukiut qulit ingerlaneranni ilinniagaqarsimaneq qaffakkiartuinnarsimavoq.

2012-mi Naatsorsueqqissaartarfimmit siullermeerluni nunatsinni innuttaasut ilinniagaqarnerisa isikkuat ukiut 2000-ikkut tamakkiusavillugit qimerloorneqarsimavoq. Misissuinerup inerneru saqqummersitami "2011-mi innuttaasut ilinniagaqarnerisa isikkuat" qimerloorneqarsinnaavoq aamma Naatsorsueqqissaartarfip Kisitsisaataasiviani ilaliussat allat takuneqarsinnaapput.

Kisitsisit atorlugit nassuiaasiornermi UNESCOp nunat assigiinngitsut akornanni ISCED-mik taallugu aqqissuussaa najoqqutaraa. Kisitsisit atorlugit nassuiaasiornerup pingaarnertut naammassiat ilagaat, nunatsinni Danmarkimilu nalunaarsuiffinnik tunngaveqarluni, piffissami sivilisunerusumi nunatsinni innuttaasut ilinniagaqarnerisa isikkuanik misissuinerit.

Titartakkami tulluuttumi takuneqarsinnaavoq nalinginnaasumik ineriartornerup ingerlanera, tassa innuttaasut 25 sinnerlugit ukiullit, Kalaallit Nunaanni najugaqartut, meeqqat atuarfiannit qaffasinnerusumik ilinniagaqarsimasut 2002-p naanerani 30,6 procentimiit 2011-p naaneranut 37,4 procentimut qaffariarsimavoq. Tamakkiisumik qaffariaat 6,8 procentiuvoq.

2002-miit 2011-mut innuttaasut 25-t sinnerlugit ukioqartut ilinniagarnerisa isikkuat



*Kalaallit Nunaanni
inunngor-tut akornanni
qaffariarneq
annertuneruvoq*

Kisitsisit atorlugit nassuiaasiornerutaaq takutippaa qaffariarneq 25-t sinnerlugit ukioqalersi-masuni, Kalaallit Nunaanni inunngortuni Kalaallit Nunaannut nuussusimasunut sanilliullugu annertunerusoq.

2002-p naanerani Kalaallit Nunaanni inunngortunit 23,5 procentit meeqqat atuarfiannit qaffasin-nerusumik ilinniagaqarsimapput. 2011-mi ilinniagaqartut 32,1 procentimik annertuseriarsimapput, tassalu qaffariaat 8,6 procentiuvoq.

Arnat siuttuupput

Nunatsinni arnat ilinniarnikkut qaffasissutsimik angusaqarnerpaajusimapput. 2011-mi – arnat 35,4 procentii meeqqat atuarfiannit qaffasinnerusumik ilinniagaqarsimapput. 2002-

mi arnat ilinniagaqaqqittut 24,6 procentiupput, arnat akornanni qaffariaat 10,8 procentiuvoq.

Nunatsinni angutit akornanni meeqqat atuarfiannit qaffasinnerusumik ilinniagaqaqqittut 2002-miit arrikkaluamik 6,6 procentimik annertusivoq.

*Pdf-fiili aamma
Kisitsisaataasivik*

Saqqummersitaq Naatsorsueqqissaartarfiup nittartagaatigut www.stat.gl-kut pissarsiarineqarsinnaavoq. Kisitsisittaaq Naatsorsueqqissaartarfiup kisitsisaataasiviani nassarine-qarsinnaapput. Tassani periarfissarpassuaqarpoq kisitsisit nutaamik katitikkat soqutigisat malillugit qanimut qimerloornissaannik.

Ilinniagaqarneq pillugu kisitsisit atorlugit nassuiaasiamut paasisaqarnerorusukkuit Søren C. Bjulf e-mail-kut: scb@stat.gl oqarasuaatilluunniit uku 36 23 62 (toq) saaffiginniffik 36 23 60 atorlugit saaffigiuk.